

MBEÑE-IDEM NDIDI EYEN OBIO HEAVEN

Mme Hebrew 12 ye 13.

OYQHỌ UKPEP-ÑKPO 444

Eke Mkparawa

IKỌ IBUOT: “Ntre ke nnyin imekeme ndisọñọ esit ndọhọ ete, Jehovah edi Andinwam mi, ndifeheke ndik: Nso ke owo edikeme ndinam mi?” (Mme Hebrew 13:6).

Ibet Ke Obot Sinai

Ke ukpep-ñkpọ emi, nnyin imeyene ñkpọ kiet efen ndida Akani Ediomini ndomo ye Obufa. “Koro mbufo ikasañade ikpere se owo ekemedede ndituk ke ubọk, ye ikañ eke asakde, ye obubit enyọñ, ye ekim, ye oyobio, ye uyo ukorowo, ...” (Mme Hebrew 12:18, 19). Ke ikọ emi, Paul etiñ abañ enyene-ndik ñkpọ ntibe ke ini ekenode Ibet ke Obot Sinai. Isọñ enyek, nsuñikañ ofuk obot, uyom ukorowo onyũ ọsọñ eti-eti, ebighi (owo inyũ ifiokke andifri). Ñkpọ-ntibe oro ama esin esit-uko enyek. Abasi ama ebebem iso ọnọ uyo ete edieke kpa unam otukde obot oro, enyene ndiwot enye. Abasi okoyom nditim nnam mmọ efiok nte Imọ isanade, ntre Enye ama ọnọ ewuhọ oro ete yak owo baba kiet okusaña ekpere obot oro. Enye ekedi edisana isọñ, ndien ekenyene ndiwowot owo ekededede eke asañade do, ini kiet.

Abasi osuk edi edisana kpasuk ntre mfin, edi ke Eyo-mfin emi, Enye isopke ndinọ ubierikpe ke ndo-ndo oro owo ofimide edisana ido Esie. Enye enyene anyan ime onyũ okpon mbom. Enye ke anyanyan ubok onyũ odohọ ete, “Etiene Mi.” Jesus amama nnyin tutu Enye atua eyet abañ mme anam-idiok. Enye otim ofiok abañ ñkpọ ndik eke odude ke hell akan nte nnyin ifiokde, Enye inyũ iyomke owo baba kiet aka do.

Ubierikpe Eke Okponde Akan

Ubierikpe ama osim mme owo emi eketutde uton ke uyo Abasi ke ini ekenode Ibet ke Obot Sinai. Idaha emi nnyin imenyene Ediomini Eke Ofonde Akan, imenyene Andinyaña eke oyohode ye ima ye mbom, emi onyimedede ndida nnyin, ema enyũ ekpe ekom urua ufak nnyin. Nte afo ukereke ete ke mme owo eke etutde uton ye Abasi idahemi edot ndika hell? Abasi onọ ntot ete ke ubierikpe eke okponde akan eyedoro mbio emi esinde Jesus ke ndek ke Eyo-mfon emi. Ke adaña oro, obot ekenyene, edi ke ini Abasi edidahade ada ndinọ ison ufen ke utit eyo emi, enyon ye ison eyenyek, Ke akpaniko, Peter, Isuñ-utom etiñ onọ nnyin ete: “edi Usen Obon edibuat nte ino; ke usen oro ikpa-enyon eyebe efep ye akamba uyom, se edade ebot ererimbot eyenyũ etara ke okposon ufiop, ndien ison ye kpukpru utom eke enamde ke esit eyeta ikañ ebiara” (2 Peter 3:10).

Nkposon Ebiet

Paul onọ mme item ke Mme Hebrew 12 ye 13 abañ nte nnyin ikemedede ndibeñe idem ndisobo ye Jesus, man ikeme ndibohọ ofuri ubierikpe oro. Ekeme ndidi ke nnyin imobọ erinyaña inyũ inam utom Abasi ke akpaniko ke ekpri ini, edi nte osuk akade iso, ndien sia Jesus midighe, ndusuk owo itinke aba enyin, enyũ ekabare ekpa mba ke ndinam utom Abasi. Mmọ ekere ete ke mme imọ eyebọ utip. Ti ete ke Jesus ñko ama osobo ye mkposon ebiet. Ata ediwak owo ema esin Enye, ikonyũ imaha Enye ndien ke ekemde, Enye ekenyene ndikpa ke kros. Akananam nnyin ibohọ baba ufen eke odiokde nte emi Jesus okobode ke ntak nnyin. Oro okposon owo kiet ekededede idem ndisohọ nda tutu Jesus edi.

Ndusuk ini nnyin imekeme ndinam se nnyin minyeneke udon ndinam, mme se mitimke ikere ibañ, ndien mme ete ye eka nnyin, me mme okworok-iko nnyin esua eno nnyin. Nnyin inyeneke ndiñwawana ye mmọ, me ndikut unen nno idem nnyin. Yak ida mme item eke ibode inam uwem nnyin ofofon akan. Edieke mme ete ye eka emade ndito mmọ ke akpaniko, eyenọ mmọ ufen ke ini ndito oro enamde se minenke. Mmọ eyom ndinyene nti ndito eke kpukpru owo edimade.

Ndidi Edidiñ Nno Mmọ Efen

Ke adañemi nnyin ke idem nnyin ima ikekabare idi mme Anditiene-Christ, nnyin inyene ndinam se ikekeme ndiñwam mmọ efen. Ekese ini mme owo ekeme ndifre mme mfina mmọ edieke mmọ

edomode ndinam ukut owo efen efere. Yak nnyin idomo kpukpru ini ndinam emem, ikunyuñ idi ntak afanikōñ inọ owo ekededì. Ke ini ema ekeyet nnyin isana. Nwèd Abasi etiñ ọ̀nọ nnyin ete ke kpukpru nnyin iyedu ye esit kiet, iyekem esit ye kiet eken. Edi edisana ido emi edisana ido emi edibeñe nnyin idem ọ̀no Obio Heaven. Abasi idiyomke mmọ eke mikemeke ndidiana ye kiet eken eduk ke Heaven. Heaven edidi itie idaresit emi kpukpru owo edidude ke emem.

Satan oyom mme owo efiak edem ke ntre enye eyeda ekikere eke edinamde esit anditiene-Christ ọ̀diọk, esin enye ke esit, edieke owo oro osuk akade iso ndikere ñkpọ oro. Ndot-ndot ekikere oro ke esit esie anam enye ọ̀duọk erinyaña ukpọñ esie, ndien ke ediwak idaha, eyesin ekese owo edu ke unana inemesit ñko.

“Yak ima mbufo ye nditọ-ete osuk amana ada. Ekufre ndikama isen owo, koro ndusuk owo ema esaña ntem eda mme angel eduk ufọk, idiọñọke” (Mme Hebrew 13:1, 2).

Ọ̀fọn ndinyene ufan, me owo emi edude ke ukem idaha enyuñ edarade ndidu ọ̀tọ kiet; edi nnyin iyekop ata idaresit ke ini itiede ufan-ufan ye mbio efen eke owo mitimke ima mmọ. Domo ndinam ufan ye owo emi mbio efen esaride-sari, ndien eyekut nte oro edinamde esit enem fi. Kot owo eke midikemeke ndikot fi usiene ka ke ufọk fo. Edieke afo okotde mmọ oro ekemedede ndinam ukem oro nnọ fi, afo unọhọ owo baba ñkpọ kiet. Afo ọ̀nọ ke ebuọt, omonyuñ odori enyin ndibọ usiene. Obon oyom ikọt Esie efon ido.

Emi edi se Enye oyomde mme Ntitiene-Christ enam: “Nte idighe ndibuñ uyo fo nnọ owo biọñ, afo eyenyuñ ada mme ubuene eke ediyode edi ke ufọk, ke afo okutde owo iferi, ndien ofuk enye, ndien mudibeke obukidem fo?” (Isaiah 58:7). Ndusuk, mme owo esesin ndikama ufọk mmọ, oro edi obukidem mmọ.

Jesus ọ̀kọdọhọ ete: Nọ owo eke ebeñede fi ñkpọ, kunyuñ udaha ukpọñ owo eke oyomde ndibuọt ñkpọ ke ubọk fo” (Matthew 5:42). Paul ọ̀kọdọhọ ete: “Ke kpukpru ñkpọ ñkọnọ mbufo uwut-ñkpọ, man mbufo enam utom ntem eñwam mbio mmem-idem, enyuñ eti ikọ Ọ̀bọñ Jesus, emi Enye ọ̀dọhọde ete, ọ̀fọn ndinọ akan ndibọ” (Utom Mme Apostle 20:35).

Uwut-ñkpọ ke abañ mme edidiọñ emi asañde ye edinọ odu ke 1 Chronicles 29:9, ke ini emi David okoyomde mme enọ man eda ebọp Ittie-ukpono: “Ndien kpukpru owo edat esit, koro mmọ etatde ubọk: koro mmọ etatde ubọk enọ Jehovah ke ofuri esit: David edidem ñko onyuñ adat esit eti-eti.”

Mfafaha Usuñ

Item efen emi Paul ọ̀kọnọde akabaña mme owo ndisuhọre idem nnọ (me ndikop uyo nnọ) mme andida mmọ usuñ. Ke akpanikọ enye eketiñ ikọ emi ikaba ke ibuot ñwèd kiet, ntre, oro owut ete enye okokut ete ke edi ata akpan item. Mme ete ye eka mbufo ye mme ọ̀kwọrọ-ikọ mbufo edi mmọ eke “ekpemedede eyom ufọn ukpọñ mbufo,” okposuk edi afo emekeme ndikere ete ke mbet oro esọñ eti-eti, ke ini afo osimde utit uwem fo (emi ke akpanikọ otimde ekpere) afo eyefiọk ete ke oro ekedi se afo oyomde ndida mbeñe idem man aka Heaven. Jesus ama ọ̀dọhọ ete ke usuñ Heaven “afafaha,” ufañ iduhe inọ usuñ idem nnyin ye idiọk-ñkpọ. Nnyin inyene ndisaña ke usuñ Jesus ikpọñ-ikpọñ. “Mbufo ema enyime, enyuñ ekop, eyedia ufọn isọñ” (Isaiah 1:19). Ọ̀bọñ eyekpeme mmọ eke ekopde uyo Esie.

Mme idomo ye ntunọ eke esimde nnyin ke usuñ uwem emi eto Ọ̀bọñ, edi Ọ̀bọñ onyime ete mmọ edi, ndien eyenam nnyin ifọn ima man ika ke Obio Ubọñ Heaven edieke nnyin ikpepde ñkpọ ito mmọ. Edieke nnyin isinde ndibọ mme ntunọ, inyuñ idiọkde esit ke mme idomo esimde nnyin, iyeduọk ukpọñ nnyin. Jesus eyenam nnyin idi mme andikan eke idatde esit edieke ibeñede Enye kpukpru usen ite añwam nnyin. Nnyin inyene erikan ito ke Iyip Jesus. Enye edi akwa Ekpeme-erọñ nnyin, ndien eyeda erọñ Esie aka ke awawa mbiet edieke mmọ etienede Enye.

MME MBUME

- 1 Nso ikotibe ke Obot Sinai mbemiso Abasi ọ̀nọ̀ Ibet?
- 2 Nso utọ́ ufen ke ekedọ́n etiene mme owo emi eketutde utọ́n ke Ibet?
- 3 Nso idinyeñe ke adañaemi Jesus edifiakde edi ndinọ́ ererimbot ufen?
- 4 Nso ke owo ekeme ndinam man ańwam enye ndifre mme mfina esie?
- 5 Nso ke edinam asana anam ọ̀nọ̀ owo?
- 6 Owo-mbet emi etiń nso abaña edikama isen-owo?
- 7 Nnyin inyene ndinam ididie ye mmọ́ oro ekpemedede eyom ukpọ́n nnyin?
- 8 Didie ke nnyin ikeme ndikan ke mme idomo nnyin?